

EXECUCIÓN FINANCEIRA DA ANUALIDADE 2009 DO PROGRAMA OPERATIVO FEDER GALICIA 2007-2013

DIRECCIÓN XERAL DE PLANIFICACIÓN E FONDOS
Xunta de Galicia

Recibido: 30 de xullo de 2010

Aceptado: 29 de outubro de 2010

Resumo: O Programa Operativo (PO) FEDER Galicia 2007-2013, que se inscribe no contexto do Marco Estratéxico de Convergencia Económica de Galicia 2007-2013, foi aprobado pola Comisión Europea no marco do Obxectivo Convergencia de España a través da Decisión da Comisión de 30 de novembro de 2007 –C(2007)6079–, cunha axuda comunitaria de 2.191 millóns de euros. As súas liñas estratéxicas foron elaboradas pola Xunta de Galicia en colaboración cos interlocutores económicos e sociais e coas autoridades locais, nacionais e da UE. A execución financeira do ano 2009 alcanza os 286,21 millóns de euros. Tamén se detallan as principais accións de publicidade e información levadas a cabo no ano 2009.

Palabras clave: PO FEDER Galicia 2007-2013 / Obxectivo converxencia / Execución financeira do ano 2009 / Accións de publicidade e información FEDER do ano 2009.

FINANCIAL EXECUTION OF 2008 ANNUAL PAYMENT OF THE OPERATIONAL PROGRAM FEDER GALICIA 2007-2013

Abstract: The PO FEDER Galicia 2007-2013 falls within the context of the Strategic Framework of Galician Economic Convergence 2007-2013. It was approved by the European Commission under the Convergence Objective of Spain, through the Commission Decision of November 30, 2007, C(2007)6079, with a Community support of 2,191 million euros. The strategic lines were prepared by the Xunta de Galicia, in collaboration with the economic and social partners and the local, national and European authorities. The financial execution of 2008 reaches 202,4 million euros. It also details the main information and publicity measures carried out in 2009.

Keywords: PO FEDER Galicia 2007-2013 / Convergente objective / Financial execution of 2009 / Publicity and information actions of 2009.

1. O PROGRAMA OPERATIVO FEDER GALICIA 2007-2013

O Programa Operativo FEDER Galicia 2007-2013 ten carácter rexional e está xestionado conxuntamente pola Administración Xeral do Estado (AXE) e pola Xunta de Galicia a través de sete eixes prioritarios de intervención. O seu obxectivo é apoiar o desenvolvemento económico sostible e integrado a través de actuacións de modernización das estruturas económicas e da creación e da preservación do emprego de calidade. O investimento total en Galicia en termos de custo total é de 3.172,2 millóns de euros, dos que 2.191,5 millóns de euros corresponden á axuda comunitaria.

Cómpre destacar que no novo contexto de financiamento europeo para o período 2007-2013, Galicia, polas súas características territoriais e económicas, inscribíbase dentro do Obxectivo Convergencia. Enfróntase, polo tanto, ante un momento clave para reorientar a súa estratexia cara á promoción dos factores de desenvolvemento ligados ás directrices comunitarias de renovar as bases da competitividade, aumentar o potencial de crecemento e produtividade e reforzar a cohesión

social a través do coñecemento, da innovación e da valorización do capital humano.

Neste sentido, o PO FEDER Galicia 2007-2013 configúrase como unha intervención que dá prioridade ás súas actuacións na rexión, para impulsar o seu desenvolvemento no contexto de crecemento e emprego fixado pola Unión Europea no marco da estratexia establecida no cumio de Lisboa do ano 2000, e relanzada no ano 2005.

O importe executado no ano 2009 alcanza os 286,21 millóns de euros, o que representa o 65,4% da anualidade programada en custo total (437,54 millóns de euros). Por outra banda, os pagamentos realizados no período 2007-2009 alcanzan os 444,82 millóns de euros, o que representa o 34,1% do programado en custo total para o mesmo período (1.303,76 millóns de euros).

A continuación expónse o detalle das finalidades de cada un dos eixes e a súa execución financeira no ano 2009 e no período acumulado 2007-2009 por temas prioritarios, sinalando tamén as actuacións destacadas de publicidade e información do ano 2009.

1.1. EIXE 1: DESENVOLVEMENTO DA ECONOMÍA DO COÑECEMENTO (I+D+i, SOCIEDADE DA INFORMACIÓN E TIC)

O Eixe 1 ten como finalidades as seguintes:

- Fortalecer a competitividade das empresas galegas, apoiando a investigación e o desenvolvemento tecnolóxico (I+DT).
- Fomentar a innovación empresarial e impulsar a utilización de novos coñecementos por parte das empresas.
- Estender e difundir as tecnoloxías da información e das comunicacións.
- Desenvolver novos servizos de cara á modernización administrativa.

O tema prioritario 13, “Servizos de aplicacións para o cidadán (servizos electrónicos en materia de saúde, Administración Pública, formación, inclusión, etc.)”, con 13,39 millóns de euros, é o que ten a programación maior dentro dos oito que conforman este eixe no ano 2009.

No ano 2009, a execución financeira do Eixe 1 alcanza a cantidade de 34,41 millóns de euros, o que supón o 86,6% da anualidade programada.

Destaca pola súa alta execución no ano 2009 o tema prioritario 2, “Infraestruturas de IDT”, co 123,7%.

Polo que respecta ao período 2007-2009, os pagamentos realizados ascenden a 70,25 millóns de euros, o que representa o 56% do total programado no dito período (125,52 millóns de euros).

A execución financeira do Eixe 1 preséntase na táboa 1.

Táboa 1.- PO FEDER Galicia 2007-2013. Execución financeira do Eixe 1 da anualidade 2009 (en millóns de euros)

EIXE 1: DESENVOLVEMENTO DA ECONOMÍA DO COÑECEMENTO (I+D+i, SOCIEDADE DA INFORMACIÓN E TIC)						
Temas prioritarios	2009			2007-2009		
	Programado	Pagamentos realizados	%	Programado	Pagamentos realizados	%
1 Actividades de IDT en centros de investigación	6,75	7,53	111,6	24,77	14,80	59,7
2 Infraestruturas de IDT (incluídas instalacións, instrumentos e redes informáticas de alta velocidade para a conexión de centros de investigación) e centros de cualificación nunha tecnoloxía específica	1,98	2,45	123,7	12,17	4,95	40,7
3 Transferencia de tecnoloxía e melloras das redes de cooperación entre pequenas empresas (pemes), así como entre estas e outras empresas e universidades, centros de ensino post-secundarios de todo tipo, autoridades rexionais, centros de investigación e enclaves científicos e tecnolóxicos (parques científicos e tecnolóxicos, tecnópoles, etc.)	1,95	1,29	66,2	3,99	1,54	38,6
7 Investimento en empresas directamente relacionadas coa investigación e coa innovación (tecnoloxías innovadoras, creación de novas empresas por parte das universidades, centros e empresas de I+DT existentes, etc.)	5,62	3,90	69,4	18,99	9,08	47,8
10 Infraestruturas telefónicas (incluídas redes de banda ancha)	5,23	3,21	61,4	15,05	7,95	52,8
11 Tecnoloxías da información e da comunicación (acceso, seguridade, interoperatividade, prevención de riscos, investigación, innovación, contido electrónico, etc.)	3,53	3,49	98,9	9,64	5,41	56,1
13 Servizos de aplicacións para o cidadán (servizos electrónicos en materia de saúde, Administración Pública, formación, inclusión, etc.)	13,39	12,14	90,7	37,02	25,27	68,3
14 Servizos e aplicacións para as pemes (comercio electrónico, ensino e formación, establecemento de redes, etc.)	1,29	0,40	31,0	3,89	1,25	32,1
Total Eixe 1	39,74	34,41	86,6	125,52	70,25	56,0

1.2. EIXE 2: DESENVOLVEMENTO E INNOVACIÓN EMPRESARIAL

As actuacións previstas no Eixe 2 teñen como principais destinatarios as pemes, e perseguen:

- Fortalecer a competitividade das empresas, fomentando a innovación empresarial e impulsando a iniciativa cara á produción, difusión e utilización de novos coñecementos.
- Impulsar a proxección internacional do tecido produtivo e mellorar o seu acceso ao financiamento.
- Impulsar o crecemento e consolidación das pemes, incrementando a súa capacidade de innovación e a transferencia de coñecementos.
- Fomentar un desenvolvemento máis equilibrado entre as zonas costeiras e o interior, e contribuír á cohesión económica e social de Galicia.

A execución financeira do Eixe 2, no ano 2009, foi de 19,89 millóns de euros, o que representa o 25,7% da anualidade programada.

O tema prioritario 9: “Outras medidas destinadas a fomentar a investigación e a innovación e o espírito empresarial nas pemes” presenta a execución máis alta, co 69,6% sobre a anualidade programada.

En relación co período 2007-2009, os pagamentos realizados ascenden a 28,28 millóns de euros, o que supón o 13% do total programado para o dito período.

A execución financeira do Eixe 2 preséntase na táboa 2.

Táboa 2.- PO FEDER Galicia 2007-2013. Execución financeira do Eixe 2 da anualidade 2009 (en millóns de euros)

EIXE 2: DESENVOLVEMENTO E INNOVACIÓN EMPRESARIAL							
Temas prioritarios	2009			2007-2009			
	Programado	Pagamentos realizados	%	Programado	Pagamentos realizados	%	
6 Axudas ás pemes para o fomento da utilización de produtos e procesos de produción que respecten o medio (introdución de sistemas eficaces de xestión ambiental, adopción e utilización de tecnoloxías anticontaminantes e integración de tecnoloxías limpas nos sistemas de produción das empresas)	4,30	0,25	5,8	8,79	2,05	23,3	
8 Outros investimentos en empresas	51,43	4,56	8,9	158,11	6,55	4,1	
9 Outras medidas destinadas a fomentar a investigación e a innovación e o espírito empresarial nas pemes	21,68	15,08	69,6	50,98	19,68	38,6	
Total Eixe 2	77,41	19,89	25,7	217,88	28,28	13,0	

1.3. EIXE 3: MEDIO AMBIENTE, CONTORNA NATURAL, RECURSOS HÍDRICOS E PREVENCIÓN DE RISCOS

Os obxectivos principais do Eixe 3 son os seguintes:

- Reforzar o potencial ambiental de Galicia como vehículo para o desenvolvemento económico sostible.

- Establecer mecanismos de alerta e prevención fronte aos riscos ambientais.
- Satisfacer as necesidades actuais en materia de saneamento e depuración de augas residuais.
- Mellorar o abastecemento de auga á poboación, garantindo a dispoñibilidade de recursos hídricos en cantidade e calidade axeitadas.
- O acondicionamento e recuperación de espazos e chans contaminados e a conservación da biodiversidade.

O tema prioritario 46, “Tratamento da auga (augas residuais)”, é o que ten unha programación máis alta neste eixe, con 52,56 millóns de euros.

A execución financeira do Eixe 3 no ano 2009 alcanzou a cantidade de 33,28 millóns de euros, o que supón o 30,4% da anualidade programada.

Destacan pola súa alta execución os temas prioritarios 48, “Prevención e control integrados da contaminación”, co 76,7% da anualidade programada, e 50, “Rehabilitación de zonas industriais e terreos contaminados”, co 76,1%.

En relación co período 2007-2009, os pagamentos realizados ascenden a 53,12 millóns de euros, que supoñen o 18,1% do total programado para ese período.

A execución financeira do Eixe 3 preséntase na táboa 3.

Táboa 3.- PO FEDER Galicia 2007-2013. Execución financeira do Eixe 3 da anualidade 2009 (en millóns de euros)

EIXE 3: MEDIO AMBIENTE, CONTORNA NATURAL, RECURSOS HÍDRICOS E PREVENCIÓN DE RISCOS							
Temas prioritarios		2009			2007-2009		
		Programado	Pagamentos realizados	%	Programado	Pagamentos realizados	%
44	Xestión de residuos domésticos e industriais	5,88	1,58	26,9	17,18	5,33	31,0
45	Xestión e distribución da auga (auga potable)	10,98	5,09	46,4	37,46	7,95	21,2
46	Tratamento da auga (augas residuais)	52,56	20,15	38,3	143,80	22,67	15,8
47	Calidade do aire	1,62	1,01	62,3	3,31	3,05	92,1
48	Prevención e control integrados da contaminación	1,46	1,12	76,7	3,68	3,17	86,1
50	Rehabilitación de zonas industriais e terreos contaminados	0,46	0,35	76,1	0,93	0,92	98,9
51	Fomento da protección da biodiversidade e a natureza (incluíndo o programa Natura 2000)	28,36	3,28	11,6	65,44	4,90	7,5
53	Prevención de riscos (incluídas a elaboración e a aplicación de plans e medidas para prever e xestionar os riscos naturais e tecnolóxicos)	7,34	0,21	2,9	19,76	3,90	19,7
55	Fomento da riqueza natural	0,96	0,49	51,0	1,96	1,23	62,8
Total Eixe 3		109,62	33,28	30,4	293,52	53,12	18,1

1.4. EIXE 4: TRANSPORTE E ENERXÍA

A través do Eixe 4 perséguese:

- Mellorar a accesibilidade do territorio galego, especialmente por estrada e por vía férrea de altas prestacións.
- Continuar fomentando a creación e a produción de enerxías de fontes sostibles e mellorar a eficiencia enerxética.
- O desenvolvemento da náutica deportiva nos pequenos portos da Comunidade.
- Impulsar o aproveitamento das tecnoloxías de enerxía solar e biomasa.

O tema prioritario 20, “Autoestradas”, é o que ten unha programación máis elevada deste eixe, dentro dos dezaseis temas prioritarios, con 30,79 millóns de euros.

A execución financeira do Eixe 4 no ano 2009 foi de 167,38 millóns de euros, o que representa o 107,4% da anualidade programada.

Destacan pola súa alta execución os temas prioritarios 21, “Autoestrada (RTE-T)”, co 326,5% da anualidade programada; e o 30, “Portos”, co 202,2%.

Polo que respecta ao período 2007-2009, os pagamentos realizados ascenden a 244,22 millóns de euros, o que representa o 49% do total programado no dito período (498,67 millóns de euros).

A execución financeira do Eixe 4 preséntase na táboa 4.

Táboa 4.- PO FEDER Galicia 2007-2013. Execución financeira do Eixe 4 da anualidade 2009 (en millóns de euros)

EIXE 4: TRANSPORTE E ENERXÍA							
Temas prioritarios	2009			2007-2009			
	Programado	Pagamentos realizados	%	Programado	Pagamentos realizados	%	
17	Servizos ferroviarios	19,34	0,00	0,0	61,33	0,00	0,0
20	Autoestrada	30,79	17,78	57,7	94,02	31,44	33,4
21	Autoestrada (RTE-T)	29,68	96,90	326,5	94,10	96,90	103,0
22	Estradas nacionais (E)	5,10	1,43	28,0	16,18	1,43	8,8
23	Estradas rexionais/locais	20,69	29,88	144,4	105,44	89,26	84,7
25	Transporte urbano	1,76	0,98	55,7	3,60	2,43	67,5
26	Transporte multimodal	7,71	0,00	0,0	15,74	0,00	0,0
29	Aeropostos	14,61	12,89	88,2	42,98	12,89	30,0
30	Portos	3,72	7,52	202,2	9,96	9,87	99,1
33	Electricidade	5,69	0,00	0,0	15,83	0,00	0,0
35	Gas natural	0,62	0,00	0,0	1,26	0,00	0,0
37	Produtos derivados do petróleo	0,62	0,00	0,0	1,26	0,00	0,0
40	Enerxías renovables: solar	3,39	0,00	0,0	8,22	0,00	0,0
41	Enerxías renovables: biomasa	3,00	0,00	0,0	6,69	0,00	0,0
43	Eficacia enerxética, coxeración e xestión enerxética	3,17	0,00	0,0	7,77	0,00	0,0
52	Fomento do transporte urbano limpo	6,01	0,00	0,0	14,29	0,00	0,0
Total Eixe 4		155,90	167,38	107,4	498,67	244,22	49,0

1.5. EIXE 5: DESENVOLVEMENTO SOSTIBLE LOCAL E URBANO

No Eixe 5 do Programa Operativo preténdese o seguinte:

- O desenvolvemento de actuacións integrais de rexeneración urbana nas cidades galegas.
- Impulsar a rexeneración económica, o reequilibrio territorial da rexión e potenciar a actividade económica ligada aos recursos endóxenos, especialmente na contorna rural.
- Fomentar o espírito empresarial entre a poboación co fin de reducir os niveis de éxodo rural e a adaptación desta contorna ás novas demandas da economía globalizada.
- O impulso da política de cohesión comunitaria e da creación de mecanismos de enlace e sinerxias entre formación, investigación e sector privado.

O tema prioritario 61, “Proxectos integrados para a rexeneración urbana e rural”, é o que ten unha programación máis alta, dentro dos cinco temas prioritarios deste eixe, con 26,92 millóns de euros.

A execución financeira do Eixe 5 no ano 2009 alcanzou a cantidade de 21,45 millóns de euros, o que supón o 44,7% da anualidade programada.

Destaca pola súa alta execución no ano 2009 o tema prioritario 56, “Protección e desenvolvemento do patrimonio natural”, co 205,1% da anualidade programada.

Polo que respecta ao período 2007-2009, os pagamentos realizados ascenden a 31,89 millóns de euros, o que representa o 22,5% do total programado nese período (141,80 millóns de euros).

A execución financeira do Eixe 5 preséntase na táboa 5.

Táboa 5.- PO FEDER Galicia 2007-2013. Execución financeira do Eixe 5 da anualidade 2009 (en millóns de euros)

EIXE 5: DESENVOLVEMENTO SOSTIBLE LOCAL E URBANO							
Temas prioritarios		2009			2007-2009		
		Programado	Pagamentos realizados	%	Programado	Pagamentos realizados	%
56	Protección e desenvolvemento do patrimonio natural	5,48	11,24	205,1	21,72	15,09	69,5
57	Outras axudas para mellorar os servizos turísticos	7,30	1,72	23,6	24,80	2,87	11,6
58	Protección e conservación do patrimonio cultural	5,54	5,04	91,0	11,93	9,61	80,6
59	Desenvolvemento da infraestrutura cultural	2,74	1,30	47,4	6,49	2,17	33,4
61	Proxectos integrados para a rexeneración urbana e rural	26,92	2,15	8,0	76,86	2,15	2,8
Total Eixe 5		47,98	21,45	44,7	141,80	31,89	22,5

1.6. EIXE 6: INFRAESTRUTURAS SOCIAIS

As finalidades neste Eixe están vinculadas co seguinte:

- Aumentar as prazas de gardarías públicas e doutras infraestruturas para persoas dependentes e en risco de exclusión, que afecta en maior medida ás mulleres, especialmente ás que se atopan en peores condicións laborais.
- Ampliar a dotación de infraestruturas educativas e contribuír á mellora da igualdade de oportunidades entre homes e mulleres.
- Promover a conciliación da vida laboral e familiar.
- Incrementar os centros de acollida para mulleres vítimas de violencia doméstica cun enfoque máis integrador.
- Fomentar a creación de centros de apoio para todos aqueles colectivos desfavorecidos (discapacitados, inmigrantes, menores con problemas sociais, drogodependentes, etc.).

O tema prioritario 75, “Infraestruturas en materia de educación”, é o que ten a programación máis alta do eixe, dentro dos catro temas prioritarios, con 2,89 millóns de euros.

A execución financeira do Eixe 6 no ano 2009 foi de 8,75 millóns de euros, o que representa o 149,8% da anualidade programada.

Destacan pola súa alta execución os seguintes temas prioritarios: o 77, “Infraestruturas en materia de coidado de nenos”, co 201,4% da anualidade programada; e o 75, “Infraestruturas en materia de educación”, co 166,4%.

Polo que respecta ao período 2007-2009, os pagamentos realizados ascenden a 15,79 millóns de euros, o que supón o 66,3% do total programado para ese período.

A execución financeira do Eixe 6 preséntase na táboa 6.

Táboa 6.- PO FEDER Galicia 2007-2013. Execución financeira do Eixe 6 da anualidade 2009 (en millóns de euros)

EIXE 6: INFRAESTRUTURAS SOCIAIS							
Temas prioritarios		2009			2007-2009		
		Programado	Pagamentos realizados	%	Programado	Pagamentos realizados	%
75	Infraestruturas en materia de educación	2,89	4,81	166,4	13,31	9,71	73,0
76	Infraestruturas en materia de saúde	0,59	0,79	133,9	1,21	0,80	66,1
77	Infraestruturas en materia de coidado de nenos	1,43	2,88	201,4	3,75	3,43	91,5
79	Outras infraestruturas sociais	0,93	0,27	29,0	5,53	1,85	33,5
Total Eixe 6		5,84	8,75	149,8	23,80	15,79	66,3

1.7. EIXE 7: ASISTENCIA TÉCNICA E REFORZO DA CAPACIDADE INSTITUCIONAL

As actuacións que se levan a cabo neste eixe teñen como obxectivo reforzar as actividades administrativas de programación, xestión, avaliación, certificación e de comunicación e publicidade.

A execución financeira do Eixe 7 no ano 2009 alcanzou a cantidade de 1,03 millóns de euros, o que supón o 97,2% da anualidade programada.

O tema prioritario 86, “Avaliación e estudos; información e comunicación”, presenta a execución máis alta, co 132,1% sobre a anualidade programada.

Polo que respecta ao período 2007-2009, os pagamentos realizados ascenden a 1,27 millóns de euros, o que representa o 48,8% do total programado no dito período (2,60 millóns de euros).

A execución financeira do Eixe 7 preséntase na táboa 7.

Táboa 7- PO FEDER Galicia 2007-2013. Execución financeira do Eixe 7 da anualidade 2009 (en millóns de euros)

EIXE 7: ASISTENCIA TÉCNICA E REFORZO DA CAPACIDADE INSTITUCIONAL							
Temas prioritarios	2009			2007-2009			
	Programado	Pagamentos realizados	%	Programado	Pagamentos realizados	%	
85	Preparación, execución, seguimento e inspección	0,53	0,33	62,3	1,30	0,41	31,5
86	Avaliación e estudos; información e comunicación	0,53	0,70	132,1	1,30	0,86	66,2
Total Eixe 7		1,06	1,03	97,2	2,60	1,27	48,8

2. ACTUACIÓNS DESTACADAS DE PUBLICIDADE E INFORMACIÓN

Neste período de programación dos Fondos Estruturais 2007-2013 a Unión Europea e as rexións de Europa desexan impulsar desde unha responsabilidade compartida a comunicación e a información entre as institucións europeas e os seus cidadáns.

De acordo con este enfoque elaboráronse os Plans de comunicación dos Programas Operativos FEDER e FSE 2007-2013 de Galicia, que establecen as medidas de información e publicidade que se deben ter en conta para unha maior notoriedade das actuacións da Unión Europea na nosa rexión.

En coherencia co cumprimento das obrigas de información e publicidade comunitarias establecidas no Regulamento (CE) N° 1083/2006 do Consello, de 11 de xullo de 2006, e no Regulamento (CE) N° 1828/2006 da Comisión, de 8 de decembro de 2006, realizáronse diversas accións de publicidade e información vinculadas co PO FEDER Galicia 2007-2013 con cargo á Asistencia técnica (Eixe 7).

No Eixe 7 destacan as actuacións de publicidade e información, que se desenvolveron ao longo do ano 2009 cun importe global de 481.312,99 euros, e entre as que sobresaen as seguintes:



- a) Campaña de publicidade e difusión do PO FEDER Galicia 2007-2013 para o ano 2009.



- b) Adquisición de bolígrafos con publicidade comunitaria FEDER.



c) Elaboración dos números 1, 2 e 3 da revista de política rexional europea *Ultreia*.





- d) Edición e publicación da *Guía de publicidade e información das intervencións cofinanciadas polos Fondos Estruturais 2007-2013 en Galicia.*



e) Realización de xornadas e seminarios:

- Xornadas sobre *Axudas públicas e fondos comunitarios* (febreiro de 2009).



- Xornadas de *Cooperación UE-América Central-Galicia* (decembro de 2009).
- Xornada de *Xestión e control de gastos FEDER no período de programación 2007-2013* (2 de xullo de 2009).

 <p>FONDO EUROPEO DE DESENVOLVEMENTO REGIONAL "Unha maneira de facer Europa" UNIÓN EUROPEA</p>	 <p>MINISTERIO DE ECONOMÍA Y HACIENDA</p>	<p>SECRETARÍA GENERAL DE PRESUPUESTOS Y GASTOS DIRECCIÓN GENERAL DE FONDOS COMUNITARIOS</p>	 <p>XUNTA DE GALICIA CONSELLERÍA DE FACENDA Dirección Xeral de Planificación e Fondos</p>
<h2>XESTIÓN E CONTROL DOS GASTOS FEDER NO PERÍODO DE PROGRAMACIÓN 2007-2013</h2> <h3>Santiago de Compostela, 2 de Xullo de 2009</h3>			

- f) Adquisición de memorias USB con gravación da normativa comunitaria FEDER-UE.



- g) Publicación do artigo sobre o Xacobeo 2010 na revista *The Regional Review*.
h) Tríptico da execución financeira do ano 2009 do PO FEDER Galicia 2007-2013.
i) Publicación da *Revista Galega de Economía* correspondente ao ano 2009, que inclúe un artigo sobre a execución financeira 2008 do PO FEDER Galicia 2007-2013.

